

pulerit: imposterum nil amplius moliturum. Hic Paulus hære-
re, Halincurtium vocare; ecclesiasticis viris tradi reos eccle-
siasticos velle; ut in Collegio controversiæ cum Venetis de-
finiantur, non moleste ferre; in id etiam Reipublicæ patro-
nos admissurum, modo sententiæ stare Senatus spondeat. Li-
teras quoque sibi ab Henrico scriptas, Pontifici Halincurtius
perlegit. Summa erat: *Nibil aliud, quam Dei Optimi Ma-
ximi gloriam, christianæque reipublicæ incolumitatem intuen-
tem Henricum, se veluti sequestrem in gravissimo negotio inter-
posuisse; ut Veneti quæ poterant præstarent, enixe contendisse;
neque vero parum obtinuisse arbitrari: nisi his Pontifex acquie-
scat, ad armaque ventum sit, vereri, ne ad hereticorum in Ita-
liam anbelantium impetum cobibendum impar prorsus sit.*

1606

Venetorum
apparatus
ad bellum.

Inter hæc ad bellum necessaria summa contentione para-
bantur. Ut sex peditum millium delectus haberetur, Senatus
decrevit: aucta militiæ stipendia; scloppettariis qui tribus
aureis merebant, quatuor; qui moschettis militabant, cum
antea nummos quatuor aureos haberent, quini monetæ Ve-
netæ tributæ. Ut in Rhodiginam peninsulam legatus cum
eadem, qua trans Mincium Nicolaus Delphinus lectus fue-
rat, auctoritate mitteretur, decretum: Joanni Jacobo Zannio
munus delatum: præter incolarum militiam, duæ peditum
selectæ cohortes, Epirotarum Equitum binæ turmæ tributæ.
Armata navigia aliquot adjecta; ut omnem eam regionem
Ferrariæ objectam, quæ amplissimis Pado atque Athesi
amnis alluitur, tueretur. Ad Benaci quoque lacus oram
custodiendam animum Patres adjecere: biremes, quæ in na-
vali Pischeriæ detinebantur, temporis vetustate collapsas refi-
ci ac farciri jussum: earum præfectus statim ad Benacum
proficisceretur, latum: ut Sirmionis eo in lacu sitæ insulæ,
quæ sublicio ponte continenti jungitur, non minus celeberrimæ
Catulli poetæ memoria, quam situs, ad imperandum lacui,
opportunitate insignis, præsidium augeretur, sancitum. Et
quoniam externo milite, si res procederet, opus erat, Chri-
stophorus Surianus, scriba, e Gallia, ubi tunc cum Petro
Priolo legato erat, in Lotharingiam proficisci, Francisco Vau-
demontio, transalpinarum copiarum imperatori, significare
jussus: peditum atque equitum expeditas copias in promptu
habeat;

Joannes
Jacobus
Zannius,
in Rhodigi-
peninsula
legatus.

Biremes in
Benaco la-
cu instrui-
tur.

Christopho-
rus Suria-
nus scriba
in Lotha-
ringiam
mitritur: